

貳臣傳卷之七

盧光祖列傳

盧光祖遼東海州人明總兵

木朝順治二年隨左夢庚來降隸漢軍鑲藍旗三年正

月隨肅親王豪格勦流賊張獻忠于四川斬之師旋

光祖署夔州總兵明桂王朱由榔經畧朱天麟總督

樊一蘅等結連川中諸賊犯順慶光祖敗之通花三埧

是時搖黃賊渠袁韜據列南溪李鶴子余大海據合

州馬超邢十萬據遂寧蓬溪甘良臣據廣安岳池天

麟部將王命臣陷順慶降將李開藻密約命臣攻保
寧已爲內應光祖偵知之斬開藻同總兵栢永馥馬
化豹左勦分三路取順慶復其城五年四月加都督
僉事寔授夔州總兵五月遣叅將呂英傑同永寧副
將蕭鳳祚等破賊党李登甲于來蘇寨斬僞將梁士
義等七月賊揚秉允等踞渠縣李毅城光祖由小斌
山進偕化豹及副將趙萬邦分勦賊敗退閉關拒守
求救于賊党劉惟明光祖繞渡三滙河敗惟明援兵
秉允聞之遁光祖追至龍泉關大斬獲秉允走匿川

東六年十二月賊渠陳三台投誠其党甘一爵朱德
洪據鄰水天竺二縣光祖同巡撫李國英遣將領任
魁知縣王文彩往撫被殺光祖曾永寧敘州西路兵
及布政使吳之茂等合勦戰七晝夜斬一爵德洪降
洞寨十餘鄰水天竺平八年敘功授一等輕車都尉
九年孫可望陷敘州將軍李國翰調重兵來勦光祖
殿行至停溪猝遇賊戰一晝夜寡不敵眾遂敗

上宥其

罪令圖功自贖十年改授川北總兵以順慶要地預
遣副將霍光先往防十一年賊將魏勇來率眾來犯

光先擊敗之十三年卒

上以光祖久鎮岩疆盡瘁殞身

命與祭二壇再加祭二壇造墳安墓子奇襲職騎都尉兼一

雲騎尉

高進庫列傳

高進庫陝西宜川人明副將

本

朝順治二年豫親王多鐸兵下江南進庫投誠給叅將劉尋授江寧副將大學士洪承疇檄同副將馮君瑞楊武烈等以兵三千赴江西援勦三年正月江西總兵金聲桓以明唐王朱聿鍵大學士楊麟總督萬元吉據吉安遣將李士元攻之不克進庫兵至檄往勦生擒其前鋒邱龍等四人敗遁入城翌日悉衆出拒進庫等擊擒其將張應魁等斬二百餘人遂克吉

安十月移兵克贛州進攻南安望風潰進庫等以援
勦年餘兵力勞苦江西土賊漸平請還江寧休息承
疇以

聞

詔可四年三月南贛總兵柯永盛巡撫劉武元先後奏言南
贛要衝應設兩協防守進庫及湖廣援勦副將徐起
仁諳地利兵精足用請留起仁爲右協駐南安進庫
爲左協駐贛

詔如所請五年金聲桓叛起仁附逆陷南康饒州九江與其

賜蟒衣

党王得仁謀趨江南懼贛兵躡其後遂圍贛進庫力戰堅守城克全會廣東提督李成棟叛附金聲桓糾衆犯贛進庫出禦破賊營數十斬首萬餘成棟退走信豐六年正月我軍圍信豐賊遁追擊之成棟馬蹶墮水死時聲桓亦伏誅江西平加都督僉事

一襲七年賊渠彭順慶據寧都進庫同副將劉伯祿叅將鮑虎等大破之擒順慶八年調赴廣東勦賊渠李明忠于高州斬賊二千餘明忠遁餘党悉降九年擢廣東高雷總兵康熙四年以老病乞休尋卒

Y

霍達列傳

霍達陝西武功人明崇禎四年進士官御史累遷江
蘇巡撫

本朝順治四年以浙江總督張存仁荐授山東道監察
御史巡視西城五年巡按福建八年授浙江嘉湖道
十年遷太僕寺少卿十一年轉太常寺少卿尋遷大
理寺少卿十二年正月奏請以帝鑒圖說貞觀政要
大學衍義諸書令講官日講一二章

上嘉納

之三月遷大理寺卿四月授兵部督捕右侍郎十五

年擢兵部尙書廕一子入監讀書十六年加太子太保十七年二月調工部尙書七月兼管都察院左都御史事十月奏言外官內陞之例原酌其才品今不論才品不俟荐舉但以品級相對爲準甚至五品堂官缺出適當外官內陞卽以一年之僉事充之未免冒濫請嗣後凡司道有荐剡功績經三四任者方許內陞每歲不得過兩人又言吏部爲用人行政之本必有畫一規制如各部司官降級留任者旣難陞轉又無開復何日方可前洗宜確議開復定例俾得更

新自効戶部人不敷出日事補苴不可不講經久之
方至外省州縣易知由單細字模糊不識官吏卽冒
徵混派應速改正使愚民俱曉禮部磨勘試卷年餘
方結難免揣擬奔競應定限以清獎賞兵部鑾儀衛
官以校尉諸人充之無偵緝汗馬功濫膺爵賞諸將
功臣之後殉難之廕虛駐外委銜者酌量議用刑部
諸事廢弛推諉久蒙

皇上洞鑒

持設科員查核然積玩難返應更振作工部貴精
釐剔督撫請留制造者多未開銷而再請部查又多

貢目傳 卷一
沉擱此估計開銷二事宜

命一科

臣綜司蘆政十年未楚糾叅整飭宜責部臣臨清磚料與京廠燒造無異乃磚價不及京廠之半致窑戶逃亾宜議增至六科與六部相表裏我在糾察如條奏及部覆有不妥者許各科臣指實駁正庶事有責成又言吏治四事一聞山東武定卽墨諸處革職官交代不清同聚一縣積至六七員蠶食該地深爲民害直隸等省似此者亦不少請

敕各撫

按速結如隱縱事發連坐一州縣官署印每營謀多

費取償地方至錢糧從來徵多解少且多支衙役工
食以圖加二加三之扣嗣後凡署印官徵解存支當
計任內日期造冊報部察核如有解不及額存支過
額者追補治罪一丁憂官撫按一面委署一面題報
銓補如遲緩科道指叅一流寓游民當勒令回籍若
已開荒納糧仍聽安插惟兇徒霸佔民產或勒人取
贖或轉賣厚價宜嚴察驅逐以靖民害又言陝西西
安府各屬額外多派累咸寧長安兩縣尤甚私派名
色不下三十餘項每縣歲派二萬餘金百畝之家一

充里役身家立盡積弊急宜滌除諸疏俱下部議行
十八年卒

賜祭葬如例

吳六奇列傳

吳六奇廣東豐順人明亡附桂王朱由榔爲總兵以舟師踞南澳

本朝順治七年平南王尚可喜等自南雄下韶州六奇與碣石總兵蘇利迎降六奇故貧時乞食他郡習山川險夷至是請爲大軍嚮道招徠旁邑自効十年五月潮州總兵郝尙久據城叛寇大埔程鄉鎮平時靖南王耿繼茂勦桂王將李定國于肇慶靖南將軍喀喀木自江寧奉

命征粵東未至六奇奮力守禦十月隨大軍進圍湖州以雲梯兵克城尙久投井死逆党悉平十一年三月可喜繼茂並奏言饒平地接漳潮海寇出沒六奇率先投順招撫有方其所圍練鄉勇皆勁旅糧糗器械畢裕自郝逆倡亂六奇親赴軍前奮勇殺賊請給銜以示激勵

詔授六奇協鎮潮州總兵統兵一千駐饒平是時海賊鄭成功狡稱受撫掠泉漳潮惠諸郡四月賊党李增等分道寇饒平大埔土賊江龍劉道璋爲內應六奇遣遊